



# BURU ATLET 'PANJAT BATU'

**Pelajar UiTM anjurkan pertandingan sukan lasak**



Tidak salah untuk imbangkan minat dan pelajaran.  
**SHUHADA MANSOR**  
laporkan aktiviti luar anjuran mahasiswa Universiti Teknologi MARA (UiTM) berciri ekstrem dan mencabar dalam mencari yang terbaik bagi seluruh universiti.

Masuki tahun ke-3 pengajian Rock Conquest Varsity Challenge diadakan hujung minggu lalu, pengajian terdiri daripada mahasiswa UiTM merealisasikan objektif itu dalam usaha melahirkan atlet profesional sukan terbabit.

Bertempat di Taman Ekstrem Gua Damai, Batu Caves, Kuala Lumpur, pertandingan itu adalah hasil kerjasama Kelab Rekreasi UiTM Malaysia (KRESMA) dan Pusat Sukan UiTM Shah Alam.

Berbeza daripada sukan ekstrem yang diminati remaja kini contohnya skateboard, rollerblade, berbasikal ataupun mendaki gunung, sukan ini ada peningkut tegarnya tersendiri.

Buktinya, jumlah pendaftaran peserta meningkat berbanding tahun sebelum ini.

#### TAK TERHAD KEPADA UITM

Tidak terikat kepada penuntut UiTM saja, Rock Conquest melebarkan penyertaan yang terbuka kepada pelajar universiti lain untuk turut serta di bawah kategori dipertandingkan. Difahamkan, dua kategori berbeza diatur iaitu kategori tertutup UiTM dan kategori terbuka IPT. Uniknya, kategori terbuka IPT memberi peluang kepada semua pelajar IPTA dan IPTS di mana memerlukan mereka berpasangan untuk turut serta. Yuran serendah RM40 bagi individu perseorangan dan RM60 bagi

satu kumpulan dilihat berpatutan dan alternatif terbaik dalam menggalakkan mahasiswa membabitkan diri dengan aktiviti sukan.

Sebanyak 111 peserta mengambil bahagian daripada kedua-dua kategori. Lapan universiti tidak ketinggalan menghantar peserta antaranya Universiti Monash, Universiti Teknologi Malaysia (UTM), Universiti Putra Malaysia (UPM), Universiti Sains dan Pengurusan (MSU), Universiti Islam Antarabangsa (UIA) dan Universiti Tun Hussein Onn Malaysia (UTHM), Universiti Multimedia (MMU) dan UiTM.

#### 22 LALUAN SUKAN

Laluan memanjat batu

disusun sebanyak 22 laluan dengan setiap satu daripadanya mempunyai markah berbeza berdasarkan tahap kesukaran pendakian. Kebebasan penuh diberikan kepada peserta untuk memilih laluan dikehendaki dalam masa ditetapkan. Peserta yang berjaya mengumpul mata tertinggi dalam masa terpanjang dinobatkan sebagai juara.

#### DISOKONG ATLET PROFESIONAL

Menariknya pada pengajian kali ini, peserta lebih bersemangat memandangkan Presiden Kelab Eksplorasi 7 Benua Malaysia (KE7B Malaysia), Mukhrabbin Mukhtaruddin hadir memberi sokongan. Bukan

hanya terhenti di sini, bagi peserta yang berminat, mereka mampu mengasah teknik dalam sukan mendaki batu ini disamping mengukir nama secara berperingkat hingga ke tahap profesional.

Keputusan pemenang pertandingan berpihak kepada Nurul Atiqah Zainal Abidin (UiTM) selaku johan dengan catatan masa satu jam 58 minit bagi kategori tertutup wanita manakala, johan kategori tertutup lelaki dirangkul Amirul Thaqif Latiman (UiTM) dengan masa dua jam. Juara kategori terbuka lelaki - lelaki di monopoli peserta MMU sementara terbuka campuran dipegang pelajar UPM.